



© mytjia/istock/Thinkstock



Maysa a Ministerio iti Espiritual a Pannakapasalun-at

Ti Simbaan ti Cristo, Sientipiko, isu maysa a **Cristiano a relihion**, iraman ti Biblia, ken nangnangruna dagiti sursuro ni Jesus iti puso ken kararua ti pannakaaramatna.

Ti *Science and Health with Key to the Scriptures* [Siensia ken Salun-at agraman Tulbek kadagiti Eskriptura] ni Mary Baker Eddy kunaenna: "Ni Jesus inpasdekna ti simbaanna ken nangmantenar ti misionna iti espiritual a pundasion iti panangpasalun-at ti Cristo." Daytoy ti agtultuloy a **mision** iti Ti Simbaan ti Cristo, Sientipiko.

Ti pannakaaramat iti daytoy a **sistema iti Cristiano a panangpasalun-at** nagbunga iti dakkel iti kaipapananna a panangagas kadagiti problema maipapan ti bagi ken iti isip, iti nasurok a sangagasut a tawenen, iramanna ti adu kadagitoy a salaysay a magundawayan iti internet. Iti Siensia Cristiana, ti Dios isu makita a kas kankanayon a mangtaptapaya ti salun-at ken pagimbagan. Ti pannakabalin ti kararag agsanggir a saan laeng nga iti panamati no di ket iti naun-uneg a pannakaawat kadagiti nasantuan a lininteg ti Dios a sakupenna ti kinatao.

Tunggal maysa mabalin nga agpili para iti mismo a bagbagida ken dagiti pamiliada ti klase ti **panangaywan ti salun-at** a mangpennek kadagiti kasapulanda. Babaen ti panangaramat ti Siensia Cristiana, adu dagiti nagbiag a nawayawayaanda iti droga ken kadagiti daduma a sistema a panangaywan ti bagi.

Agsukimat ti Ad-adu Pay

Bisitaen ti ChristianScience.com/iluko

- » Agbasa wenno gumatang dagiti kopia iti Biblia ken *Science and Health with Key to the Scriptures* [Siensia ken Salun-at agraman Tulbek kadagiti Eskriptura].
- » Makitaripnong iti serbis ti Domingo wenno Miercoles a miting iti personal wenno iti internet.
- » Bisitaen ti maysa a Christian Science Reading Room wenno atendaran ti lecture ti Siensia Cristiana.
- » Saraken ti maysa a Christian Science practitioner, mannursuro, wenno Christian Science nurse.
- » Maadaan ti koneksion iti maysa nga organisasion iti Siensia Cristiana (CSO) iti kolehio wenno unibersidad.
- » Kontaken ti The Mother Church [Ti Ina a Simbaan], The First Church of Christ, Scientist.
- » Sukimaten, basaen, ken agdengngeg kadagiti artikulo, pamaneknek iti napasalun-at, ken ti linawas a Leksion ti Biblia.
- » Kontaken ti The Mary Baker Eddy Library para kadagiti publiko a programa ken ti panangsukimat ti nangato a pagadalan.



Ania ti Siensia Cristiana?

Ni Mary Baker Eddy, a nangsukain ken nangipasdek ti Siensia Cristiana, inlawlawagna daytoy a kas "ti linteg ti Dios, ti linteg ti naimbag..." (*Rudimental Divine Science*). Daytoy naun-uneg a pannakaawat iti Dios a kas di agpatingga nga Ayat ken di agbalbaliw a kinaimbag agturong iti kararag a mabalin nga mangpasalun-at, mangsubbot, ken mangipulang iti siasinoman.


Idi tawen 1866, ti maysa a sugat a nganngani makapatay ti biag ti nangpilit ken ni Mary Baker Eddy a nagbaw-ing ti naimpusuan iti Dios. Binistradna ti Bibliana iti maysa a salaysay maipapan iti panangpasalun-at ni Jesus ti maysa a tao a dagus ken iti naan-anay. Ti maysa a baro a panangilasin iti Dios, Espiritu, a kas ti is-isu laeng ti kinaagpayso, linapunosan ti panunotna, ket isu naagasan iti madagdagus. Ngem isu nagkalikagum nga ammuen no kasano ken apay. Iti sumaruno a sumagmamano a tawtawen, intultuloyna a nagsukimat ken saraken iti Biblia dagiti kangrunaan a linteg iti Dios nga agbalin a mangsukog ti pagbasaran ti panursurona ken pannakaaramat iti Siensia Cristiana.

Nanipud idin, adu ti nakatakuat a no maawatanda a nasaysayaat ti relasionda iti Dios iti daytoy Siensia iti Kinacristiano, ti salun-atda isu naipulang ken ti ugali napabaruan. Ket tunggal panangpasalun-at inspiraduenna ti maysa a naimpusuan a tarigagay a tumulong kadagiti daduma nga ammuen ken padasan no kasano nga inayat datayo amin iti Dios.

Dagiti Nagtaudan iti Siensia Cristiana

Ti Biblia, manipud Genesis ingga Apocalipsis, isu ti pundasion para iti teolohia ken pannakaaramat iti Siensia Cristiana. Iti naisalumina, ti ministerio ni Jesus ilawlawagna a ti panangpasalun-at ken ti napabaruan mapadasan no bigbigentayo ti pudno a kababalin tayo a kas espirtual ken naaramid iti ladawan ken kaasping iti Dios. Dagiti pagtuladan iti daytoy mabalin a makita kadagiti salaysay iti Biblia da Abraham, Jacob, Moses, dagiti profeta, ni Jesus, ken dagiti kaasitgan a disipulosna ken pasurotna.

Ti aglaylayon nga espirtual a pannagsukimat ni Mary Baker Eddy naiturong iti kamaudian nga inladawanna a kas maysa a nasukain. Nakitana a dagiti linteg ti Dios isuda mannakabalin nga espirtual a bilbilin, kankanayon a sia-adda ken agob-obra a mangpasalun-at, mangsubbot, ken mangbendision ti sangkataoan. Para kenkuana, isu idi ti maaramat a Kinacristiano nga insuro ni Jesus.



Iti panagdakkel a panangaramatna iti Cristiano a mangpasalun-at, ni Mary Baker Eddy insuratna nga isu naawagan para iti maysa

a pasiente a ti maysa a nalatak a tumultulong a doktor inbalikasna a matmatay iti pneumonia. "Iti panagmatmat kenkuana ti kinapardas a naipulang babaen kaniak nga awan ti tulong ti material, napasnek ti dawatna no adda maysa nga obrak nga iladladawan ti sistemak iti panangpasalun-at . . . guyuguyennak iti nadagus nga agsurat ti maysa a libro a rumbeng a mangyeksplikar iti lubong daytoy panangagasko a sistema iti metapisika" (*The First Church of Christ Scientist, and Miscellany*).


Iti dayta a panawen, isu nagsursuraten kadagiti ababa a sursurat a mabalin a padakkelen iti kangrunaan nga obrana, **Science and Health with Key to the Scriptures** [Siensia ken Salun-at agraman Tulbek kadagiti Eskriptura], a laonenna

ti sibubukel a panangilawlawag iti Siensia Cristiana ken dagiti pannakaaramatna iti espirtual a napabaruan ken panangpasalun-at.

Ti Simbaan ti Cristo, Sientipiko, ken dagiti Aktibidadna

Ti Biblia kaduana ti *Science and Health* [Siensia ken Salun-at] agserbi a kas ti sapasap a **Pastor** para iti dagup ti lubong a Simbaan, a kankanayon a mangmangted iti maigundaway a mangtarabay ken inspirasion, agraman dagiti sermon ken dagiti mabasbasa para dagiti panagdayaw a serbis. Dagiti aktibidad ken dagiti serbis iti Simbaan maipakpakat babaen dagiti miembrona.

Ni Mary Baker Eddy inpasdek na Ti Simbaan ti Cristo, Sientipiko, idi tawen 1879. Iramanna ti **The Mother Church** [Ti Ina a Simbaan] idiay Boston, U.S.A., ken dagiti nabuangay dagiti lokal a **sanga a Simbaan iti Cristo Sientipiko**, iti dagup ti lubong, a tunggal maysa mangmangted dagiti



panagdayaw a serbis ti Domingo, **Sunday School**, dagiti pamaneknek a miting iti tengnga ti lawas, dagiti publiko a **Reading Rooms**, ken dagiti **lectures**. Dagiti Sunday School nga para kadagiti estudiante nga agtawen agingga duapulo ket isuda dagiti klase a naibasar iti paglilinawagan

iti Biblia ken kasano a mayaplikar iti awanan panawen a leksion iti katiempuan a biag. Dagiti miting ti Miercoles iramanda dagiti pamaneknek ti napasalun-at a naibingay babaen dagidiay nakitaripnong. Dagiti Reading Room mangidiaya dagiti libro ken magasin iti Siensia Cristiana, ti Biblia ken mabasa a materiales maipapan ti Biblia ken adu pay. Makablaawan amin nga usaren dagitoy a sanikua.

Dagiti **Christian Science practitioners** ken dagiti **Christian Science nurses** isuda mabalin a gun-oden tapno nayonan ti tulong a panangaywan bayat a ti maysa agkarkarag para iti mangpasalun-at. Dagiti practitioners mangidiaya ti naituding a kararag, ken dagiti Christian Science nurses itdenda ti maaramat,

a panangtaripato, nga awanan tulong ti medisina.

Ti Simbaan ti Cristo, Sientipiko, mangipa-ay ti **espirtual nga edukasion** para kadagiti kinaagtutubo ken nataengan, ipakitada dagiti klase ti Sunday School, dagiti Dinomingo a leksion ti Biblia iti **Christian Science Quarterly**, ken ti dua a lawas a kurso iti espirtual a mangpasalun-at manipud iti maysa a naautorizado a mannursuro iti Siensia Cristiana agraman ti agtultuloy nga edukasion a tinawen.



Dagiti linawas ken binulan a magasin, **The Herald of Christian Science** iti nadumaduma a lengguahe, ti **Christian Science Sentinel**, ken **The Christian Science Journal** iti Ingles, amin ipakitada ti pannakaaramat ti Siensia Cristiana ken ti panagsubbotna ken dagiti bunga ti panangpasalun-at babaen dagiti artikulo ken napasingskedan a pamaneknek iti panangpasalun-at.

The Christian Science Monitor, a naipasdek babaen ni Mary Baker Eddy iti tawen 1908, a mangted ti manangawat, agpakatao, ken natimbeng a sakupen iti damag ti lubong nga isu a kas alerto iti progreso ken kari maipapan iti agsagsagaba ken riri. Naipatakder daytoy nga "awan dunorena a tao, no di ket bendisionanna ti sangkataoan" (*Miscellany*). Ti *Monitor*, agraman dagiti nadumaduma a Pulitzer a Gungunada kadagiti adu a gungunana, pakairamanan ti maysa a website (CSMonitor.com), maysa a linawas a magasin, ken maysa ti Inaldaw a Damag babaen ti digital (Daily News Briefing).

